

# TVB

W E E K L Y

ISSUE  
415  
逢星期二出版  
24/05/2005  
一書兩冊  
\$10

附「2005年度香港先生競選」報名表格

P. 138



**送**  
**李英愛**  
親筆簽名8R



**送**  
「嘉亨灣盃」入場券  
傑志對祖雲達斯



**教你**  
**如何做靚太**

絕密獨家


# 應愛英愛





# 舞火棍奇人

張振明以玩火棍奇招在《有招出招》亮相，他轉動火棍繞頸，難度分甚高，難怪奪得70票支持。張振明表演舞火棍手法熟練，但訪問他之後才知道他練習這門技藝只是短短幾個月時間，莫非他是舞棍天才？



姓名：張振明  
年齡：20歲  
職業：倉務員  
強項：玩火棍  
贏得：奪得\$7,000現金及  
價值\$7,000獎品

## 失業去舞棍

張振明：「我03年F.3畢業去唸學修理汽車，可惜當時遇上911事件令公司結業，無聊之下去咗九龍明愛社區中心，見到有小丑培訓班，於是貪得意去報名，因而認識導師蘇春就，佢仲教識我舞棍。我幾個月已經學識晒佢教我嘅嘢。」

「之後我上網搵到外國高手舞火棍嘅書，咪訂嚟學吓，但火水味實在太難聞，所以唔可以喺屋企玩，咪走上街玩。有次睇見電視《有招出招》廣告招募，當時想攞獎金，咪去報名。不過奪得獎金用嚟請親戚朋友食飯都用咗幾千蚊，餘下嘅錢都用晒嚟買新棍。」

## 舞棍舞出頭

原來張媽媽都好支持張振明舞棍：「佢由細到大讀書都唔勤力，我都係第一次見佢咁落力去練一樣嘢，咪由得佢玩囉。啱家我遇到好多街坊都同我講：『張大，你個仔上《有招出招》呀，好叻仔呀！』，見佢有啲成績我都好高興。」張振明亦好開心咁話：「啱家喺街頭表演有好多認得我，甚至有人問我擺簽名，不過我拒絕咗佢，因為我想低調啲。」



張振明自創好多花式，如呢招背後轉棍。

# 變臉美少女

韋飛雄以變臉參加《有招出招》，奪得27票支持，而變臉技巧一直被稱為國粹，由於呢門絕技懂得者為數唔多，加上唔輕易外傳，因而令懂得變臉者非常吃香。原來韋飛雄嘅變臉技巧係佢爸爸傳授，佢爸爸韋瑞群表演變臉已經有二十多年，不過韋飛雄喺03年至開始學習變臉技巧。

## 父傳變臉絕技

韋飛雄3歲已隨父四出表演，她在後台已常叫爸爸教她變臉，「不過爸爸一直話要睇吓我有冇資質，03年我到上海戲曲學校進修，爸爸見我好有誠意，先開始教我。雖然我啱家最快只可以喺7分鐘內變到15張臉，同我爸爸38張臉紀錄差好遠，不過我會以佢為目標再努力。」

## 似去海洋公園

問到飛雄上《有招出招》表演又何感受，佢好搞笑咁話：「我覺得嗰日好似去海洋公園一樣，好開心咁玩吓一日。我啲朋友仲話我輸咗畀個嘍仔好唔抵，不過我覺得冇所謂，我都學緊跳Hip Hop舞，好想跳到佢咁好。」韋飛雄都好熱愛舞台劇演出，還跟幾個志同道合的朋友，合資搞舞台劇，內容以香港文化為主題，9月1日會於藝穗會公演，想欣賞韋飛雄的觀眾，不妨去支持吓。



脫下面具，韋飛雄同一般少女其實沒有兩樣。

姓名：韋飛雄  
年齡：24歲  
職業：表演者  
強項：變臉  
贏得：奪得\$2,700現金及  
價值\$2,700獎品

